



Inatsisartunut ilaasortaq Mette Arqe-Hammeken, Naleraq
inatsisartut@inatsisartut.gl

Ittoqqortoormiini imaatigut kabeli pillugu § 37 naapertorlugu apeqquteqaammut 2026-060-imut akissut

Ulloq: 06-05-2026
Suliap nr.: 2026 - 7596
ID. nr.: 81103845

Asasara Mette Arqe-Hammeken

Inatsisartut suleriaasianni § 37 naapertorlugu Ittoqqortoormiini imaatigut kabeli pillugu Naalakkersuisunut apeqquteqaateqarputit. Apeqqutit uannit akineqartussat innersuunneqarpoq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut: Ittoqqortoormiunut imaatigut kabelimik (fiber, nittartagaqarneq) pilersitsissagaanni aningaasartuutit qanoq annertutigissappat?

Akissut: Tusass-imiit ilanngussassanik piniartoqarpoq, taannalu paasissutissiivoq:

"Tasiilamut imaatigut kaabeliisoqareernissaa (takuuk §37 naapertorlugu apeqquteqaat 2025-mi maajimeersoq) aammalu kabelip taassuma Ittoqqortoormiunut ingerlaartinnissaanut branching unit-imik ikkussiviginissaa, Ittoqqortoormiunut imaatigut kaabeliinissamut missingersuummut aallaavigineqarpoq.

Ittoqqortoormiunut imaatigut kaabeliinissamut silap sunniinissaa, pingaartumillu kaabeliinerup nalaani nalinginnaasumik sikoqartarnera (immap sikusarnera, sikorsuit ilulissallu) annertuumik aarlerinaateqartussaavoq. Kabelinut umiarsuaq sikusiut atornerqaraluarpalluunniit, ajoqusernissamut kabelit isumannaarnissaannut sikorsuit pilersaarutaanngitsumik akornusiinermik malitseqarsinnaapput.

Imaatigut kabelit nunamukaannerat, imaatigut kabelit sikorsuarnut ilulissanullu ikkarlusimasunut isumannaatsumiittussanngorlugit, imaq itissuseqalersillugu qillerinikkut ingerlanneqartussaavoq. Qillerinissaq maannakkorpiaq 1.500 meterinut qillerinissatut nalilerneqarpoq, tamannalu imminermini unammillernartortaqartussaavoq annertuumillu aningaasartuuteqarfiusussaalluni.

Siunissami Tasiilamut imaatigut kabelissamiit allamut ingerlaartinneqartussamut imaatigut kabelip takissusissaa 1.250 km missaannut missingersorneqarpoq, tassani imaatigut kabeli sisammik qajannaallisaateqartariaqartussaalluni aammalu ajornanngippat sumiiffinni ikkattumiittuni (immami 1.500 meterinut ikkannerusumiittut) tamani assanneqartariaqartussaalluni.

Ukiuni kingullerni marlunni akit qaffanneri takuneqartut aammalu nalinginnaasumik imaatigut kabelinut tunngatillugu immami sumiiffiup ilisimaneqannginnera pissutigalugit, Ittoqqortoormiit aammalu Tasiilamut imaatigut kabelimi allamut ingerlaartinneqartussap

*akornanni imaatigut kabeliinissamut aningaasartuutissat tamarmiusut maannakkorpiag
DKK 610-740 millioninut nalilerneqarput.”*

Tusass A/S aammattaaq paasisutissiivoq, Tasiilap Islandillu akornanni imaatigut
kabelimut aningaasartuusissat, 2026-mi qaammatini pingasuni siullerni akigitat
tunngavigalugit DKK 600 aamma DKK 660 millionit akornannut missingersorneqarput.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga


Iddimannngiu Jensen Bianco